



Broj: 150-15-4-707- 8 /22 SAK
Sarajevo, 31.03. 2022. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavama, broj: UV-150-01-1-1467-3/20 od 27.07.2020. godine, guverner Centralne banke Bosne i Hercegovine donosi

ODLUKU

o izboru najpovoljnijeg ponuđača u postupku javne nabavke robe – serverska oprema

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku robe – serverska oprema, putem otvorenog postupka, dodjeljuje ponuđaču MIBO KOMUNIKACIJE d.o.o. Sarajevo, u svemu prema Ponudi broj: PON-486/22 od 21.03.2022. godine i Izvještaju o toku i završetku e-aukcije.

Član 2.

Prema Izvještaju o toku i završetku e – aukcije, Ponuda ponuđača iz člana 1. ove odluke glasi na iznos od:

22.400,00 KM bez PDV-a

(slovima: dvadesetdvijehiljadčetiristotine konvertibilnih maraka i 00/100)

odnosno

26.208,00 KM sa uračunatim PDV-om

(slovima: dvadesetšesthiljadadvijestotinosam konvertibilnih maraka i 00/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za informacione tehnologije Centralnog ureda Centralne banke Bosne i Hercegovine (u daljem tekstu: Odjeljenje za informacione tehnologije).

Član 4.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za informacione tehnologije i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova Odluka će se objaviti na web stranici Centralne banke www.cbbh.ba istovremeno s upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke robe – serverska oprema, pokrenut je Odlukom, broj: 150-15-4-707-2/22 SAK od 25.02.2022.godine.

U skladu s tim, Centralna banka je 04.03.2022. godine na portalu Javnih nabavki objavila Obavještenje o nabavci broj: 1370-1-1-134-3-103/22 zajedno sa tenderskom dokumentacijom.

U predviđenom roku za dostavljanje ponuda, odnosno do 21.03.2022. godine do 10.00 sati, blagovremeno je dostavljeno sedam ponuda ponuđača i to:

- MIBO KOMUNIKACIJE d.o.o. Sarajevo,
- TIME CODE d.o.o. Sarajevo,
- DIGITARIJA d.o.o. Sarajevo,
- QSS d.o.o. Sarajevo,
- ZERICK d.o.o. Sarajevo,
- ROAMING NETWORKS d.o.o. Banja Luka,
- IMTEC d.o.o. Sarajevo.

Komisija za provođenje postupka javne nabavke (u daljem tekstu: Komisija) je izvršila pregled i ocjenu pristiglih ponuda, te utvrdila da su ponude ponuđača DIGITARIJA d.o.o. Sarajevo i TIME CODE d.o.o. Sarajevo neprihvatljive, jer ponuđači nisu dostavili potpunu dokumentaciju, kako je traženo tenderskom dokumentacijom. Naime, oba ponuđača su dostavila popunjenu komparativnu tabelu, ali bez dokumentacije na temelju koje bi komisija mogla provjeriti usklađenost ponuđene robe sa zahtjevima iz komparativne tabele.

Tenderskom dokumentacijom je navedeno da ponuda mora sadržavati i Prilog X - komparativnu tabelu, dok se u komparativnoj tabeli traži - "Dokaz usklađenosti (referenca na dostavljenu dokumentaciju –konfiguraciju)".

Kako navedeni ponuđači nisu dostavili nikakvu dokumentaciju u sklopu ponude, komisija nije mogla ocijeniti usklađenost ponuđene robe sa tehničkim zahtjevima iz tenderske dokumentacije.

Ponuda ponuđača ZERICK d.o.o. Sarajevo je neprihvatljiva, jer ponuđač nije dostavio valjane dokumente kojima dokazuje tehničku i profesionalnu sposobnost – (član 48. i 49. ZJN).

Tenderskom dokumentacijom je traženo: "Uspješno iskustvo u realizaciji najmanje jednog ugovora čiji karakter i kompleksnost su u vezi sa predmetom nabavke, u posljednje dvije godine, ili od datuma registracije, odnosno početka poslovanja, ako je ponuđač registriran, odnosno počeo s radom prije manje od dvije godine, sa ukupnom vrijednošću svih ugovora minimalno 30.000,00 KM."

Ponuđač je dostavio spisak izvršenih ugovora sa više ugovornih tijela i jednu potvrdu o pet realiziranih ugovora tokom 2019. i 2020. godine, koju je izdala ALJAZEERA BALKANS.

Međutim, komisija je ocijenila da, sa podacima iz navedene potvrde, ponuđač nije dokazao tehničku i profesionalnu sposobnost, kako je traženo tenderskom dokumentacijom.

Od pet realiziranih ugovora, za četiri se navodi da su realizirani tokom 2019. godine, dakle ne ispunjavaju zahtjev iz tenderske dokumentacije, koji se odnosi na period realizacije ugovora.

Za jedan ugovor, koji ispunjava zahtjev iz tenderske dokumentacije koji se odnosi na period realizacije (realiziran u maju 2020. godine), je navedeno da je vrijedan 26.756,00 KM i da se odnosi na isporuku Dell opreme. U svom spisku izvršenih ugovora, ponuđač navodi da je riječ o ugovoru za isporuku laptopa.

Komisija je zaključila da ne može prihvatiti ni navode o tom ugovoru kao dokaz tehničke i profesionalne sposobnosti ponuđača, jer karakter i kompleksnost predmeta nabavke nisu u vezi sa predmetom ovog postupka nabavke (laptopi i serverska oprema), a ni vrijednost ugovora ne odgovara minimalnoj vrijednosti ugovora, kako je traženo tenderskom dokumentacijom.

Ponuda ponuđača Roaming Networks d.o.o. Banja Luka ima računsku grešku. Centralna banka je uputila ponuđaču zahtjev za prihvatanje ispravke računске greške.

Nakon prihvatanja ispravke računске greške Komisija je utvrdila da ponude ponuđača Mibo komunikacije d.o.o. Sarajevo, QSS d.o.o. Sarajavo, Roaming Networks d.o.o. Banja Luka i Imtec d.o.o. Sarajevo ispunjavaju sve uslove tražene tenderskom dokumentacijom i da su iste prihvatljive. Sa navedenim ponuđačima je zakazana e-aukcija za dan 28.03.2022. godine. Po završetku e-aukcije prvorangirana je ponuda ponuđača MIBO KOMUNIKACIJE d.o.o. Sarajevo.

U skladu sa kriterijem najniža cijena i Izvještajem o toku i završetku e – aukcije, Komisija je u svom Zapisniku o pregledu i ocjeni ponuda broj: 149-15-4-840-11/22 od 28.03.2022. godine i Izvještaju o radu komisije sa preporukom, broj: 149-15-4-840-12/21 od 28.03.2022. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.



GUVERNER

dr. Senad Softić

Dostaviti:

- učesnicima u postupku (original);
- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Odjeljenju za informacione tehnologije;
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original).